

JANE LACLE ELIGI "REINA JUVENIL CARNAVAL 1965"

Wilhelminastadion na Dakota diarazon anochi tabata punta punta yen di publico cu a bin anima nan candidatanan juvenil pa e eleccion di Reina di Carnaval Juvenil pa e anja aki. E animo di e publico tabata grandi e anochi aki. Varios di e diezlos candidatanan atrese un tropa grandi di sympathisanten y apoyadornan cu e anochi aki no a sconde ningun tiki di nan stem y energia pa apoya nan candidata preferi.

anochi di hobentud di Aruba en Wilhelminastadion a bira un anochi fantastico. E hobennan a monstra di por organisa un bon programa di eleccion y atrae un enorme publico cual den e caso aki naturalmente tabata majoria parti di hobentud di Aruba. Apesar di un biento fuerte y hopi fresco e publico su animo tabata

colorosa henter e programa. Mes animo di e publico di diarazon anochi tabata mucho mas cu cualkier otro eleccion anteriormen-te. Club Caribe, Tivoli, Aguinaldos, Colegio Arubano, clubnan Sue Thompson, y Conny Francis y Jolly Teeners cada uno a bin cu un batallon di supporternan. E steelbandnan Tanki Flip, Tan-

ki Flip Stars, Savaneta Stars, San Nicolas Stars a percura pae berdadero musica di carnaval.

Senjor Seferiano Luydens e motor juvenil di Tanki Leendert ta esun cu e anochi aki tabata maestro di e ceremonia. E programa a cuminsa cu e presentacion di e reinanan den autonan lombrante capa baha, di cual uno mas bunita cu otro. Senjor Milo J. Croes, presidente di e comite central di carnaval 1965, a dirigi un palabra cortico na e publico y a muestra ariba e iniciativa importante cual a worde tuma na 1964. Esaki segun el a muestra a duna e carnaval un caracter mas completo y general, especialmente cu e eleccion di Reina Juvenil di Carnaval pa e teenernan y organisa door di nan. Tumiando na bista e exito cu esaki

(SIGUI LESA PAG. 8)

mente a pone e publico den un animo mas grandi ainda.

Despues un pa un candidatanan di e diezdos clubnan, schoolnan of organisacionan a subi e podium pa duna e hurado e oportunidad pa nota nan puntanan cu lo forma e factor decisivo pa e eleccion.

Esun cu mester a habri e parti aki di e programa tabata Josefa Webb di Aguinaldos sigui pa, Shirley Carty di Antillana Fan Club, Hildegard Hintz di Tivoli Club, Gwendolyn Croes di Caribe, Astrid de Boer di colegio Arubano, Imelda Croes di Conny Francis, Jolanda Solognier di Cursus Succes, Jane Lacle di Jolly Teeners, Filomena Goeloe di Oranjestad Fan Club y Swinda Cardoze di Spes Patriae y Shirley Leung di Sue Thompson Fan Club.

Favoritonan cerca e publico e anochi aki tabata claramente Swinda, Jane, Astrid y Gwenny. E resultado final a muestra cu e smaak di e publico no tabata malo tampoco. Mientras cu jurado tabata conta e cifranan, Little Miss Aruba, Gina Botta a worde presenta na e publico, mientras cu conhunto Estrella Musical a toca algun numero.

Jane Lacle Reina Carnaval 1965

(CONTINUACION DI PAG. 1.)

tin, apesar di cu ta pa di dos blaha cu e ta worde organisa, por bisa cu endudablemente lo e yuda den e exito completo di e carnaval di Aruba.

Esaki un blaha mas ta prueba cu e teenersnan tin y merece nan puesto den e comunidad. Despues di esaki senjor Luydens a introduci senjor Addison Croes, kende ta e persona dinamico cu a tuma e iniciativa pa organisa e carnaval pa e teenernan.

Manera conoci senjor Adison ta un persona cu continuamente ta trece algo of iniciativa na gran escala pa e teenernan di Aruba, apesar di no ta un persona cu ta traha den un of otro organisacion juvenil.

Mientras cu na e ocasion aki representantenan di radio y prensa di Hulanda, kendenan probablemente tabata prefera di sinta cu sportshirt na lugar di cu smoking den hotel tabata aprecia e programa, a presenta Prins Juvenil di carnaval Catoochi y su Pancho Chokeke, kendenan a conta algun chasco cu endudable-

Prins Canaval Juvenil Nelo Loeffstok (Catoochi), despues a saca e ganador afor di e diezdos candidatanan. Senjor Eulogio Wever di La Esperanza despues a toca e honor pa corona e muchu cu e bunita wowonan y smile natural y sympatico di Santa Cruz.

Final di e programa tabata cur tur diezdos candidata despues den un parada di auto a pasa na pita-mento door di Oranjestad.

Y esaki a duna un toke extra na e competicion enorme pero endudablemente sumamente dificil pa e cinco turistanan Mericano kendenan e anochi aki tabata e jurado pa escohe e ganador di e eleccion.

E sympatica Jane Lacle a logra acumula 385 punto, Swinda Cardoze 356, mientras di tres lugar a bai pa Hildegard Hintz di Tivoli Club, Y hunto cu Gwendolyn Croes di Club Caribe, kendenan cada uno a hanja 355 punto.